

Ku Nga Ri Mitsheketo Kambe Matimba

MATIMBA YA KU PONISA.

“Hikuva hi mi tivisile matimba ya Hosi ya hina Yesu Kriste, ni ku vuya ka yena, ku nga ri hi ku landza mitsheketo ya mafenya, kambe swi ri leswaku hi langutile vukulukumba bya yena hi mahlo ya hina. Kambe na hina hi ve timboni ta vuhosi (ku kwetsima) bya yena. (2 Pet. 1:16).

Vanwana va lava ku hi khorwisa leswaku Bibeledi yi ni timhaka ta mitsheketo; to tumbuluxiwa leti nga riki ta ntiyiso, i mianakanyo leyi nga akiwa hi vanhu leswaku va kota ku rungula mavunwana. Kambe Muapos-tola Petro o hi byela hi ta **matimba** ni ta ku vuya ka Yesu Kriste, loyi va nga nwi vona loko a hundzuluxiwa ntshaveni emahlweni ka vona, va vonile ku kwetsima ka yena, va twa rito ra Xikwembu ri huma epapeni, ri ku: “Loyi, i nwana wa mina, loyi ndzi nwi rhandzaka, loyi ndzi nwi tsakelaka.” (Mat. 3:17).


Muapostola Paolo o hi byela leswaku a nga na tingana ku vula Evangelii ya Kriste hikuva i matimba ya Xikwembu ya ku ponisa mani na mani la pfumelaka, ku sungula hi mu-Yuda ku yisa eka mu-Greki. (Rom. 1:16). Kriste o tile ku ta ponisa vadyohi. Ku hava hi unwe la biheke ku tlurisa mpimo kumbe la lulameke ku tlurisa leswaku a nga ti nwi ponisa. Wa swi kota ku ponisa hi ku hetisisa lava tshinelelaka Xikwembu ha Kriste Yesu. (Heb. 7:25). O ni matimba ya ku ponisa la xanisekaka hi vudakwa bya mahetelelo, O ponisa xigevenga, ni khamba, ni muhambi. O ponisile mudlayi exihambanweni. O ponisile ngwhavava ya le Samaria. O ponisile rihlayi ra le Gadara loyi ngi a ri ni vandla ra mademona. O tshinyile lwandle ra xidzedze, a ponisa Petro eku mbombomeleni. O ponisa ni vakhongeri lavakulu kukotisa Saul wa Tarsa la nga hundzuluxiwa

eku va Paolo wa matimba.

Kwala tikweni ra Afrika, O ponisile mimoya leyo tala swinene. Vanwana a va ri swidakwa, vanwana a va ri timbhisa ta vavanuna ni vavasati. Hambi vanwana lava ingi va ri tin'anga ta matimba ta vuloyi va ponisiwile. Unwana wa vona hi loyi va nge: i Masoebe, la nga va n'anga ya matimba emasikwini ya yena. A a swi kota ku endla “tokoloxi”, moya wo biha wa mademona. A a tivula munisi wa mpfula. Kasi a a ri xidakwa ni wanuna wa mbhisa. Kambe siku rinwana, loko a twa Evangelii yi ri karhi yi dyondzisiwa, ni ku

vona hi laha Xikwembu xi hanyiseke vavabyi ni lavo lamala ehandle ka murhi, na yena a ponisiwa. Hi loko se a tthelela kaya ka yena etintshaveni ta Risuto. A hlengelela mirhi ya yena hinkwayo, tinhlolo ni timhamba a swi hoxa ehansi ka riwa lero enta ra mati leri vuriwaka “Maletsunyane” waterfalls, 194 metres high. A hisa fole ni mhangi ya yena hinkwayo, a halata ni byalwa hinkwabyo bya kwe, hikuva se a nga ha ti lulamiselanga ku tlhela a nwa byalwa, kumbe ku dzaha mhangi kumbe fole ra muxaka wihi ni wihi. A a hundzukile mukriste wa xiviri la nga tiviwa hi mani na mani leswaku i munhu wa Xikwembu. A ku nga ta va ni munhu la koteke ku hundzuluxa mahanyelo ya wanuna yoloye loko a nga ri Kriste.

Ndzi tiva unwana wa jaha loyi ingi a a ri “tsotsi” (xigevenga). O tihanyela hi ku yiva, a xisa ni kudyelela hinkwako lomu anga famba kona. A a tala ku tshama ejele ku ri ni le handle. Kambe matimba ya Evangelii yaponisile munhu yoloye hakunene, ya hundzuluxa vutomi bya yena hinkwabyo ma nwi endla mudyondzisi la hlamarisa wa Evangelii. Hi ku dyondzisa ka yena ku ponisiwa madzana ya swigevenga, ni swidakwa,



MALETSUNYANE FALLS (194 metres). Lesotho.

Hi kwala lomu Masoebe, n'anga leyikulu ya vuloyi, a nga cukumeta kona timhamba ta yena hinkwato, ni mirhi yaxintima ni tinhlolo endzhaku ka loko a kumile vutomi lebyintswa eka Kriste.

ni makhamba, ni vadlayi exikarhi ka rixaka rihi ni rihi ra vanhu, vafuwi ni swisiwana, valungu ni vantima.

Matimba wolawo lama ponisaka, na mina ma ndzi ponisile se swi lava ku endla ntlhanu wa makume ya malembe lama nga hundza, kasi ni sweswi wa ha ndzi ponisa eka malembe lawa. Ya ponisile vamakwerhu vaxinuna ni vaxisati. Ya ponisile na Manana. Ya ta ku ponisa hi ku copeta ka tihlo loko u tshika Yesu a nghena embilwini ya wena. Vukhongereri byi nga ka byi nga ku ponisi. Na mina a byi ndzi ponisanga, kambe Yesu o ta ponisa unwana ni unwana la taka ka yena. Kutani hikwalaho ka mhaka leyi o tile emisaveni leyi.

Tin'hwetinyana leti nga hundza a hi tshama kunwe ni nsati wa noni, loyi nuna wa yena ingi a hanya eku biheni hi malembe lama tlulaka makume mambirhi, a ri karhi a nwa ku yisa eku feni kutani a swi endla leswaku nsati wa yena ni vana a va hanya enhlomulweni lowukulu. Kambe a va ri karhi va nwi khongelela, kutani Xikwembu xi vuye xi nwi ponisa ni ku nwi kutsula eswidyo hweni hinkwaswo swa yena. Matimba ya Evangelii ya ponisa ku nga ri munhu unwe ntsena, kambe ya swi kota ku ponisa ndyangu hinkwawo, hambi muti hinkwawo kumbe doroba, na tiko hinkwaro. Mpfuxelelo leyi nga va eWales emalembeni lama tlulaka ntlhanu wa makume na kume rinwe, yi ponisile miti hinkwayo yi tlhela yi ponisa na tiko ra England enyimpini leyi ngi yi lavile ku humelela. Ku chumayela ka Yonas ku ponisile muti lowukulu wa Niniva eku onhakeni. Xikwembu xa swi kota ku ponisa matiko hinkwawo. O vurile a ku: "**Hundzukani ka mina**, mi va mi ponisiwa, nwina hinkwenu ve makunwini ya misava." (Esaya 45:22). Kutani Bible ni timhaka ta misava yi tele hi vumboni bya matimba ya Xikwembu lama ponisaka. Hikwalaho ntsumi yi nga ku ka Yosefa, loko Yesu a nga si tswariwa: "U ta nwi tshya vito ra Yesu: hikuva hi yena la nga ta PONISA tiko ra yena eku biheni ka rona." (Mateo 1:21).

MATIMBA YA KUHANYISA.

"Hi mina Yehova muongori wa wena," ku vula Xikwembu eka Moxe. (Eksoda 15:26). Xikwembu xi kombisile ntiyiso wa Rito ra xona leri nga taka ri nga wi. O vile n'anga yi ri yoxe ku ringana mune wa makume ya malembe. Kasi a ku va nga ni unwe exikarhi ka vanhu lava lavaka ku va 3,000,000 loyi ingi a tsanile kumbe a vabya. A ku va nga ni n'anga, kumbe murhi lowu nga tirhisiwa exikarhi ka vona. Hambi ne ndzhaku ka loko va lumiwile hi tinyoka leti chavisaka, ku languta kanwe eka nyoka ya koporo (xifaniso xa Kriste) a ku va hanyisa. Madzana-dzana ya vanhu lava hanyaka emasikwini lawa, va nga rungula ta matimba lama hanyisaka ya Hosi ya hina Yesu Kriste. Munhu wa nhlokono la nga ta eka Yesu o vuye a basisiwa hi nomu wolowo.

Lavo-fe-mahlo va hanyisiwile. Lavo-fe-tindleve ni timbheveve va sungula ku twa mi ku vulavula. Lavo khuta ni swilema a va famba. Hambi vafi a va pfuxiwa va tlhela va hanya hi matimba ya ku pfuka ka Hosi ya hina Yesu Kriste. Loko a kunga va nga ni matimba ya ku hanyisa Evangelini ne vitweni ra Hosi ya hina Yesu, xilo lexi ingi xi nga tsariwanga, hikuva na mina hi xiviri ndzi ve kusuhi ni nyangwa wa rifu hi mikarhi leyo tala hikwalaho ka mavabyi lamo tika swinene, kambe ndzi hanyisiwa hi matimba ya Rito ya yena.

Kunene o rwele swidyoho ni mavabyi ya hina emmirini wa yena kutani **hi tshunguriwa hi timbanga ta yena.**

Eka Psalma 103:2,3 ha hlaya: "Moya wa nga, nkhenisa Yehova ... la ku rivalelaka milandzu ya wena hinkwayo; La hanyisaka mavabyi ya wena hinkwawo." Yesu, muhanyisi, o hanyisa mmiri lowu vabyaka kambe wu nga ri wona ntsena, kambe na wona moya lowu vabyaka hi vudyoho. O hanyisa mbilu leyi tlhaviweke, leyi tshoviweke, kunwe ni moya. "O hanyisa moya wa mina," ku vula Davida. "Ndzi ta thersela vutomi eka wena, kutani ndzi ta ku hanyisa," hi hlaya tona eka Yer. 30:17. Xikwembu, lexi ngo vumba munhu hi ntshuri xi ta hi hanyisa ni ku hi hlayisa.

Ndzi nga ka ndzi nga rivali nwana wa hosi ya le Risuto, loyi ingi a vavisekile nhlana hi ku wa ehenhla ka mangwa. A a omile swirho kusukela xisutini ku ya fika eswikunanweni. A a nga swi koti ku susa milenge ya yena, hambi ku chukuvanyisa xikunwana, kutani otshama a etlele hi nhlana wa yena ku tlula malembe mambirhi. Kambe hikwalaho ka Evangelii o rivaleriwile swidyoho swa yena hinkwaswo, a kuma vutomi lebyintswaha eka Kriste. Hi ku hlamuriwa ka mikhongelo o vuye a hanyisiwa xikanwe, kutani hi ku pfumela a suka a yima, se a tlhela a tikhandziyela mangwa ya yena.

Ku hanyisiwa ka Madihotetso, mudyandzhaka eka hosi yinwana ya xifumi eRisuto, ku tsekatekisele tiko hinkwaro. A a hlanya swinene hi malembe lamo tala kutani a bohiwa hi timpencane ta tinxakaxaka. A ku nga ri na n'anga ya mulungu kumbe ya wantima leyi nga nwi pfuna. Kambe Xikwembu xi vuye xi nwi ntshunxa endzhaku ka loko a khongeleriwile hi unwana wa malandza lamantongo ya xona.

Ndzi nga ka ndzi nga rivali Nkosikazi van Rooyen, nsati wa wanuna la tivekaka exikarhi ka va-mapurasi eOrange Free State la nga vabya swinene endzhaku ka loko a ha ku kuma nwana wa mativula. Exikarhi ka malembe ya khume na ntlhanu o handzuriwile mikarhi yo ringana makume mambirhi na mune. A ku lo sala ku va a tifela kwale purasini. A a nga ha swi koti ku chikuvanyisa xirho ni xinwe, kutani a nga ha voni hambi ku twa. Sirha ra yena a ri ceriwile, ni bokisi a ri xaviwile, maxaka a mativisiwile ku ta enkosini. Kambe hi laha Xikwembu xi ngheneke, xithumela unwana wa malandza ya xona eku ta khongela xikhongelo xa ripfumelo. Kaku loko a ri karhi a khongela, a vula tsalwa ra Marika 16:18 "Lava pfumeleke ... va ta veka mavoko ehenhla ka lava vabyaka, kutani VA TA hanya." Sweswo Xikwembu xi hanyisa wansati hi ku hetiseka.

MATIMBA YA NGATI YA YESU.

Timbilu ta hina ti nga basisiwa eswidyo hweni hinkwaswo hi matimba ya Ngati ya Yesu ntsena. A ku na xisibi kumbe hambi murhi wa muxaka wihi ni wihi lowu nga susaka xidyoho. Loko hi vula leswaku a hi na vudyoho, ha tixisa, kutani ntiyiso a wu kona eka hina. Kambe loko hi tivula swidyoho swa hina, Xikwembu xa tshembeka, xi lulamile ku hi rivalela swidyoho, ni ku hi hlantswa ku hamboloka hinkwako. Ngati ya Yesu Kriste Nwana wa xona, yi susa swidyoho hinkwaswo swa hina. (1 Yohane 1:7-10). Eka

Nhlavutelo 7:9-17, ha hlanya ta ntshungu lowukulu lowu nga hlaiyiwiki hi munhu, wa matiko hinkwawo, ni va tinxaka hinkwato, ni va swivongo hinkwaswo, ni va tindzimi hinkwato, lava nga hlantswa tinguvu (timbilu), ta vona, va ti basisa hi ngati ya Xinyimpfana.

Petro na Yohane va hi byela ta matimba lama kutsulaka, ya ngati ya Yesu, lama hi hlantswaka ku nga ri swidyohweni swa khale ntsena, kambe ne ka swa nkarhi wolowu ne matimbeni ya ku fumiwa hi vudyoho. Xikwembu xi ti xavele hina hi ngati ya Nwana wa xona. Ha swi tiva leswaku hi kutsuriwile ku nga ri hi silver ni nsuku, kambe hi ngati leyi pfumariwaka ya Kriste, Xinyimpfana lexi nga riki na xivati ni xisandzu. (1 Petro 1:18,19). Kutani U hi kutsulele ka Xikwembu hi ngati ya wena evanhu va tinxaka hinkwato, ni va tindzimi hinkwato, ni va swivongo hinkwaswo, ni va matiko hinkwawo, kutani U hi vekile tihosi ni vaprista. (Nhlavutelo 5:6-9).

Ngati ya Yesu yi ni matimba ku hi sirhelela ka matimba lamo biha ya nala. A yi ri ngati ya xinyimpfana leyi nga tshoniseriwa emarimbini ya tinyanga ta tindlu ta vona, leyi nga ponisa vana va Israel etikweni ra Egipta, ne khombyeni leri dlayeke mativula hinkwawo. Xikwembu xi ku: "Ndzi ta vona ngati, kutani ndzi ta hundza." (Eksoda 12:13). A yi ri ngati leyo tshwuka efestereni leyi nga ponisa Rahab ni va yindlu ya yena, siku muti wa Yeriko wu weke. (Yoxua 2:18-21). Swi tano, ngati ya Yesu yi ni matimba ku ku ponisa wena ni va yindlu ya wena, loko u pfumela. "Pfumela eka Hosi Yesu Kriste, kutani u ta ponisiwa, wena ni va yindlu ya wena." (Mitorho 16:30,31). Vanhu va le Risuto etintshaveni ta rivala laha ku nga riki na mirhi, va bohelela swingubyana swo tshwuka ehehla ka timpapa ta swikukwana swa vona. A va swi tiva leswaku gama ri nga ka ri nga teki hambi ku pfuka xikukwana lexi nga ni xingubyana xo tshwuka emakatleni. Hi hlanya kambe ne ka Nhlavutelo 12:11 leswaku malandza ya Xikwembu ma hlurile Satana hi matimba ya ngati ya Xinyimpfana. Ndzimana leyi landzelaka yi tiyisile –
Matimba, matimba, lama hlamarisaka,
ma kona engatini ya Xinyimpfana;
Matimba, matimba, lama hlamarisaka,
ma kona engatini ya Xinyimpfana.

MATIMBA YA XIKHONGELO.

Xikhongelo xa ku tshemba, lexi hlawulekeke xi ni matimba lama nga pimiwiki. Xikhongelo xi hundzuluxa swilo. Yesu a ku: Kombelani mi ta nyikiwa. Munhu wa nhlokonho la nga hluleka ku pfuniwa hi lavo tala, o komberile Yesu leswaku a nwi basisa – kunene Yesu O nwi basisile. Hi ku hatlisa nhlokonho wu nwi sukela. Lowo-fe-mahlo o huwelerile eka Yesu kutani na yena o hanyisiwile mahlo. Vavanuna va mune va rharile munhu loyi ingi a khwanyele swirho va nwi yisa eka Yesu, va nwi kombela leswaku a nwi hanyisa – Yesu o nwi hanyisile. Ku ni matimba lama nyikaka vutomi, lama ponisaka ya xikhongelo ku tlula lama kumekaka ka bombo ya atom kumbe muhlovo wunwana wa bombo. Mikhongelo ya ponisa munhu, kambe ku nga ri yena ntsena, kambe yi ponisa ni matiko.

Elia a a ri munhu kukotisa hina, kambe a khongela hi ku chivirika leswaku mpfula yi nga ni, kunene a yi nanga ku ringana malembe manharhu ni hafu. O tlhele kambe a khongela kutani matilo ma nisa mpfula. A tlhela a khongela xikhongelo lexo olova kutani ndzilu

wu xika hi le tilweni, wu mita gandzelo leri hisiweke, tihunyi, maribye, ni ritshuri, kutani mati ma phya. Tiko ra Israel hinkwaro ri ttheriseriwe eka Xikwembu hi mikhongelo ya munhu unwe ntsena. Hosi Ezekias o khongerile ka Xikwembu loko valala va nwi nghenerile kukotisa ndhambi ya mati. Kutani hi ku hlamula xikhongelo xa yena ntsumi ya Hosi yi ba 185,000 wa masocha emixaxeni ya valala. Yesu o khongerile kukondza ngohe ya yena yi hundzuluxiwa, ni nkhanu wa yena wu hundukile lowo basa wu vangama. A a khongela vusiku hinkwabyo. A titsona swakudya a ri karhi a khongela. A a khongela a ri nhlomulweni, a khongela hi ku chivirika kukondza nyuku wa yena wu hundzuka matshonsi ya ngati. O hlurile vudyoho, ni nyama, na yena Satana, hikwalaho ka xikhongelo. O hi lerisile ku khongela mikarhi hinkwayo.

MATIMBA YA RIPFUMELO NI RIRHANDZU.

Yesu a ku loko ingi hi ri ni ku pfumela loku fanaka ni ndzoho ya sinapi hi ta susa tintshava. (Mat. 19:20). Hi ku pfumela ka Xikwembu ku have lexi nga tsandzaka. Hi ku pfumela va hlurile matiko, va avanyisile hi ku lulama, va kumile leswi va nga tshembisiwa swona, va sivile milomu ya tinghala, va timile matimba ya ndzilo, va ponisiwile eku kariheni ka fumu, va hanyisiwile emavabyini ya vona, va endliwile tinhenha enyimpini (Davida na Goliad), va hangalasilile mavandla ya valala. (Heb. 11:33,34). Kutani ku hlula loku hlulaka misava i ku pfumela ka hina. (1 Yohane 5:4).

Erirhandzwin, kona, ku kombisiwa matimba lamakulukumba ngopfu ya Xikwembu. Rirhandzu ri ni ntamu kukotisa rifu. Ri hlula ni nala wa ntamu lowukulu. Loko ha ha ri vadyohi, Kriste o hi ferile, kutani loko ha ha ri valala hi hlanganisiwile ni Xikwembu hi ku fa ka Nwana wa xona. (Rom. 5:8-10). A ya ri matimba ya rirhandzu lama nga endla leswaku Xikwembu xi nyika hina vadyohi eNwana wa xona la nge swa kwe, leswaku unwana ni unwana la pfumelaka ka yena a nga tshuki a lova, kambe a va ni vutomi lebyi nga heriki. (Yohane 3:16). Rirhandzu leri ra Xikwembu ra hi susumeta, ri hi nyika matimba ku xi tirhela, ku hlanya milawu ya xona, ni ku teka xihambano xa hina kutani hi nwi landzela hi siku ni siku. Ra hlongola ku chava hinkwako. Ku hava nchumu lexi nga hi hambanyisaka ni rirhandzu ra Kriste. Hi hlula hi ku tlurisa ha loyi a hi rhandzeke. Hambi ku ri ku fa, hambi ku ri ku hanya, hambi ti ri tintsumi, hambi ku ri ku fuma loku ka matimba, hambi swi ri leswi nga kona sweswi, hambi swi ri leswi nga ta ta, hambi swi ri leswi nge henhla, hambi swi ri leswi nge hansa, hambi xi ri xivumbiwa xinwana, ku hava lexi nga tivaka ku hi hambanyisa ni rirhandzu ra Xikwembu leri nga kombisiwa ha Yesu Kriste. Hosi ya hina. (Rom. 8:35-39).

MATIMBA LAMA KOKAKA.

Yesu i matimba lamakulukumba swinene lama kokelaka eka yena vanhu hinkwawo. "Kutani mina, kutaku loko ndzi tlakusiwile misaveni ndzi ta kokela vanhu hinkwawo eka mina" ku vula Yesu (Yohane 12:32). Yesu a nga hi fambisi hi ku hi chavisa kukotisa leswi nala a swi endlaka, kambe Yesu o hi koka tani hi murisi lonene loko a koka tinyimpfu ta yena. "Ndzi koke, hi ta ku landzela hi le ndzhaku." (Tinsimu ta Salomona 1:4). O hi kokela kule ni vudyoho ne kule ni misava eku va hi nwi landzela emadyelweni ya

rihlaza, ne matini layo rhula. Hikuva yona Hosi hi xiviri yi ta xika hi le tilweni, hi huwa leyi lerisiweke, hi rito ra nduna ya ntsumi, ni mhalamhala ya Xikwembu; kutani lava feleke ka Kriste va ta rhanga va pfuka, hina lava hi hanyaka, lava hi salaka hi ta tekeriwa (kokeriwa) mapapeni swinwe na vona – hi ku copeta ka tihlo – ku ya hlangana ni Hosi empfhukeni, kutani hi mukhuva wolowo hi ta va ni Hosi hi laha ku nga heriki. (1 Tesa. 4:13-18; 1 Kor. 15:51-58).

MATIMBA LAMA TUMBULUXAKA.

Ndzi nga si pfala, ndzi pfumeleleni eku vulavula hi ta matimba lama tumbuluxaka ya Evangeli, lama hi endlaka swivumbiwa leswintshwa, ma hi endla vakwetsimi, kasi a hi ri vadyohi. Hosi Davida a a tiva ta matimba wolawo loko a khongela a ku, Oho Xikwembu vumba endzeni ka mina embilu leyo tenga, U tlhela u pfula endzeni ka mina emoya lowo tiya. (Psalma 51:10). Endzhaku ka loko a hlurile valala hinkwawo va Xikwembu, o kumile leswaku nala lonkulu swinene o le ndzeni ka yena, yi nga mbilu ya yena ya thyaka, yi ni mavunwa, hi bihile ngofu, ku hava loyi a yi tivaka. (Yer. 17:9). Yena Yesu hi xiviri o hi byerile leswaku endzeni etimbilwini ta vanhu, hi laha ku humaka meehleketo leyo biha, ni vuoswi, ni vugangu, ni kudlaya, ni ku yiva ni ku navela rifuwo, ni lunya, ni u xisa, ni ku titshika, ni mahlo layo biha, ni xisandzu, ni ku tikurisa, ni vuhunguki. (Marika 7:21-23).

Davida a a swi vonile leswaku a nga ka a nga hundzuluxi bilu ya yena, hambi ku yi endla leyo basa, hikwalaho o khongerile hi ku chivirika, a ri karhi a titwela embilwini, leswaku Xikwembu lexi nga vumba tilo ni misava, xi fanele ku vumba na yona mbilu leyo tenga endzeni ka yena, wu nga moya lowunene, Moya lowo Kwetsima. Xikwembu xi hlamarile xikhongelo xa yena, hikuva hi xo xitshembiso xa xona eTestamenteni leya khale: “ndzi ta mi nyika timbilu letintswa, ndzi veka endzeni ka nwina emoya lowuntswa; ndzi susa enyameni ya nwina etimbilu ta maribye, ndzi mi nyika timbilu ta nyama.” (Ezekiel 36:26,27). “Ndzi ta veka milawu ya mina eku anakanyeni ka vona, ndzi yi tsala etimbilwini ta vona.” (Heb. 8:10,11).

Ku nga ha vuriwa to tala hi ta matimba ya Rito ra xona leri hanyaka leri tirhaka, leri karihaka ku tlula tlhari leri nga ni vukari hi matihelo mabirhi, ni matimba ya ku pfuka ka yena, vukulukumba lebyi nga hlambanyisiwiki bya matimba ya xona, eka hina lava hi nga khowriri timhaka ta mitsheketo hi mitirho ya

matimba ya xona, lawa xi tirheke ha wona eka Kriste, loko xi nwi pfula ku feni, xi vuya xi nwi tshamisisa evokweni ra xinene ra xona ematilweni, ehenhla ka vukulukuma hinkwabyo, ni ku fuma hinkwako, ni matimba hinkwawo, ni vuhosi hinkwabyo. (Efesa 1:15-21).

Yesu a ku: “Mi ta nyikiwa matimba, siku Moya lowo Kwetsima wu taka ka nwina.” Hi matimba walawo, muti hinkwawo wa Yerusalem wu tsekatekisiwile hi siku ra Pentekosta. Matimba walawo ma ha ri tano ni namuntlha, hikuva xitshembiso lexi xi le henhla ka nwina, ni vana va nwina, ne ka lava nge kule, lava ha taka vitiwa hi Hosi. Xikwembu xa hina. (Mitrho 1:8; 2:39).

MATIMBA EVITWENI RA YESU.

Hi nga ha vulavula hi ta matimba lamakulu lama nge vitweni ra Yesu, vito leri nyikiweke xikarhi ka vanhu, leri hi fanelaka ku hanyisiwa ha rona. (Mitrho 4:12). Hi vito ra mina, ku vula Yesu, va ta hlhlogola mademona, va ta vulavula ha tindzimi letintswa, va ta veka mavoko ehenhla ka lava vabyaka, kutani va ta hanya. (Marika 16:17,18). Kungaku loko mi kombela xa-nchumu hi vito ra mina, ndi ta xi endla. (Yohane 14:13,14; 15:16; 16:23). Petro a ku ka munhu la nga tswariwa a ri xilema, “Hi vito ra Yesu Kriste wa Nazareta, yima u famba.” Kutani a suka hi ku tlula, a yima, a famba, a tlula a dzunisa Xikwembu. (Mitrho 3:1-9). A swi hlamarisi loko a thiywile Muhlamarisi, Mutsundzuxi, Xikwembu xa matimba, Tatana la nga riki na ku hela, Hosi ya ku rhula. (Esaya 9:6,7).

Xikwembu xi tlakusile Yesu, la nga tshama a fela wena na mina exihambanweni, kutani xi nwi nyikile vito leri nge henhla ka mavito hinkwawo; “eswaku hi vito ra Yesu, matsolo ya hinkwawo lava nge matilweni, ni le misaveni, ni le hansi ka misava, kutani tindimi hinkwato ti vula leswaku Yesu Kriste i Hosi, ku ve ku dzuniseni ka Xikwembu Tatana.” (Filipia 2:10,11).

“Hikuva loko u vula hi nomu wa wena leswaku Yesu i Hosi, ni loko u pfumela embilwini ya wena leswaku Xikwembu xi nwi pfuxile ku feni, u ta ponisiwa.” (Roma 10:9-11). Khinsama emahlweni ka yena SWESWI hi ku khongela, pfumela SWESWI eka yena la nga ku fela a tlhela a pfuka, u ti vula hi nomu wa wena emahlweni ka vanhu va Xikwembu, ku nga si hundza nkarhi. La pfumelaka ka yena a nga ka a nga vi na tingana.

J.R. Gschwend.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For **free** Gospel literature, books and tracts in over 540 languages, write to:

EMAIL: info@angp.co.za

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)